

ne ex superiori occupatione de voluptate fruenda quamdiu conceditur, ad quam cum omnes sua sponte propensi sunt, tum juvenilis ætas quam maximè, illam avidissimè persequitur,

Hanc formulam loquendi vide *1. Reg. 22. 15. Matth. 26. 45.* nec enim oleum igni addit, sed contrà frænum juveni injicit, eumque à voluptatis studio revocat. Quasi dicat, video te (ô juvenis) voluptatibus & lætitiæ ita penitus addictum, ut tametsi sæpius admonearis ut ad frugem & vitæ moderationem redeas, tuis tamen admonitoribus non cedis, nec eorum sanis consiliis acquiescis. Perge igitur, quando ita vis, animo tuo obsequere, &c. Sic enim Christus, cum discipulos semel atque iterum admonuisset, ut vigilarent & orarent, tandem illos sarcasmo ex somno excitat. Sic *Micheas* cum videret *Achabum* prorsus devotum blandientibus & assentatoribus, hac ironia usus est. Ex quo videmus, primum quanto impetu feruntur juvenes ad voluptates persequendas, & quam avidè illis inhiant, atque ut voluptates, tanquam pisces aquam, sorbeant, hoc est, offensaculum & petra scandali, ad quam juvenus impingit, corruit, & cervicem diffringit. Ludis enim, jocis, convitiis, commestationibus, denique fornicationi perquam dediti sunt. Vide parabolam

bolam